


沈乃文主編

明別集叢刊 第四輯

第五十冊

黃山書社





国家出版基金项目
NATIONAL PUBLICATION FOUNDATION


『十二五』國家重點圖書出版規劃項目
2011—2020 年國家古籍整理出版規劃重點項目

沈乃文 主編

明別集叢刊 第四輯

第五十冊

黃山書社



(明)王如堅 著

潛一齋遺稿四卷

清光緒二十五年

潛遺

豪

一

齊

光緒己亥秋
月排印於西
昌千秋書院

明史本傳

王如堅字介石安福人萬歷進士授懷慶推官入爲
刑科給事中抗疏爭三王並封其畧曰謹按十四年
正月聖諭元子幼小冊立事俟二三年舉行是明言
長子之爲元子也又十年正月詔旨朕無嫡子長幼
自有定序是明示倫次之不可易也而十九年八月
奉旨冊立之事改於二十一年舉行此則陛下雖怒
羣臣激聒輒更定期未嘗遽寢冊立之事乃今已屆
期忽傳並封爲王以待嫡嗣臣始而疑既而駭陛下

潛一齋遺藁

言猶在耳豈忘之耶曩者謂二三年舉行已遲至二
十年矣二十年舉行又改至二十一年矣今二十一
年倏改爲並封是陛下前此灼然之命尚不自堅今
日羣臣將何所取信夫立嫡之條祖訓爲廢嫡者戒
也今日有嫡可廢乎且陛下欲待正嫡意非真待也
古王者後宮無偏愛故嫡后多嗣後世愛有所專則
天地之交不常泰欲後嗣繁昌萃於中闈難矣祖宗
以來中宮誕生者有幾國本早定惟元子是屬或二
三齡而立或五六齡而立即陛下春宮受冊時止六

齡耳寧有待嫡之議與潞王並封之詔哉今皇長子
且十二齡矣聞皇后撫育無間已出元子早定一日
卽早慰中宮一日之心后素賢明何有舍當前之冢
嗣而覬幸不可知之數耶宮闈之內祗席之間左右
近習之輩見形生疑未必不以他意窺陛下卽如昨
歲冊立之旨方待舉行而宗室中已有並封之疏安
知非機事外洩彼得量朝廷淺深夫別名號辨嫌疑
祖之善經也元子與衆子其間冠服之制鹵簿之節
恩寵之數接見之儀迥然不齊矣一日並封而同號

潛一齋遺藁

則有竝大之嫌逼長之患執狐疑而來讒賊幾微之
際不可不慎苟謂渙命新頒難於遽改則數年已定
之明旨尚可移易今紵言初發何不可中止也帝怒
甚命與朱維京皆戍極邊王錫爵疏救免戍爲民尋
卒天啟中贈光祿少卿

縣志補傳

王如堅字介石南鄉王屯人萬曆丙戌進士授懷慶推官郡大旱民相食如堅策蹇走村落勸富民出粟賑之活者甚衆水暴漲城且壞如堅召民爲堰民爭趨赴路藩儀賓楊某悉其姑忌夫爲梗以百金給之遣商遣黠奴隨其後至中途執以爲盜如堅廉得其情坐桡如律所至懲積猾清軍衛自武弁以逮戍卒帖如也擢刑科給事中會監夏報功多濫如堅首疏論劾繼以抗疏爭三王並封事斥爲民歸與邑令楊

潛一齋遺藁

三

廷筠酌荒政請減折又置義倉義舟鄉黨賴之卒贈光祿少卿遣官諭祭祀鄉賢所著有潛一齋藁

贈光祿寺少卿誥命

制曰朕光纂鴻圖適新駿命嘉與抽揚遺直闡發幽忠其有議烈綱常功存社稷方需不次而久抱云亡者褒卹可不隆哉爾原任刑科給事中王如堅才猷磊落風節嶙峋射策彤庭式奏靈光之賦祥刑理署克符明允之風首嘉治行之高特擢糾繩之地而爾矯然獨光知無不言陳善閉邪期爲孟子與之定國拾遺補過若彼汲長孺之匡君爭赤社之分封批瀝矢其危論疏青宮之蚤建羽翼抱其苦心皇祖實明

潛一齋遺藁

四

鑒其忠特暫落其職迨震維既定昭聖意之無他而諫草有靈知臣心之已豈考槃永矢徒勞駒谷之思咨岳方新未遂鳳梧之遇感宿草之旣列宜寵命之特先茲用贈爾爲光祿寺少卿錫之誥命於戲卿月升華青簡垂直臣之譽龍綽溪龍立臺賁永世之光眷乃明靈服茲休命

天啟三年月日

詩祭文

維天啟三年月日皇帝遣本布政司堂上官諭祭原
任刑科給事中贈光祿寺少卿王如堅曰惟爾丹書
良吏青瑣名臣立朝著蹇諤之風抗疏多切直之論
忠懸鶴禁力同蠶土之勤典重龍樓不避嬰鱗之斥
前星既正甘自埋光少海可迴遑知減頂放棄雖同
於汨水羽翼已効於南山遠不忘君恥作逐臣之賦
言之無罪佇開彙進之門未及賜環遠望藏壑爰疏
榮于晉秩復錫寵於加途并鑾如存尚其歆服

潛一齋遺稿

五

潛一齋遺稿原序

公在給舍未數月而數直諫最后以儲疏忤旨幾戍
旋以削籍還幸矣余逆之螺川上公握手曰吾自著
年北面文莊公受學竟與子進同舉退同廢茲以居
宜同盟盟曰爾無我棄我無爾睽因相與申山戒共
守之獨郡邑生民大利大害皇皇焉不敢以戒為解
性亢厲不屈余一日請曰丈人之以盡言規主也本
何心哉曰吾欲致主堯舜耳余曰今有欲致丈人堯
舜者何如公欣然首肯自是唯余盡言莫逆也先冬

潛一齋遺稿

一

余侍王大常先生會復真會王光祿應明氏亦予假
還公為講易之乾辯甚雄證甚析大旨以潛而惕為
要歸余曰不覩不聞非潛乎戒慎恐懼非惕乎公曰
此乃文莊先師真脈吾儕須從此得手而學始益進
第勉之已復要光祿卜杜雨洋淮處謂吾三人道里
均將旦暮淬礪共畢餘生於此學乃公遂不起惜哉
生平不誦禪而機鋒似之詩文最恥祖尚乃脫口率
得至理近益潛心易學而矯健凌厲之氣浸化無有
今讀其遺稿可槩也會直指安節吳先生知公最深

亟檄授梓而澄源潘侯因屢法訂而次之嗟嗟人言學問與氣節文章判不相屬公進退朝野事功踔越而文章亦復炳烺如是此豈非家文莊公高足一以浩然出之者耶是故一得俱得也一失俱失也學之不可已也是爲序

萬厯甲辰季春年友弟鄒德泳書於復古書院之茂對堂

潛一齋遺藁

二

原跋

王子身不滿五尺其氣概崑崙乎如壁萬仞口不能出一語其中藏汪汪乎若波千頃體若不勝衣乃瀕九死之百折而不可移集亦不盈帙實備五常兼百行而靡缺今讀其刪后言即於聲律未盡諧渢渢乎有陶謝風置擊壤集中無以辨伏讀其緒言於談性命最真切駸駸乎入孔顏室次訂頌篇後莫之先游戲翰墨非其所優顧類多自得幾希乎宋有文字四篇大定國本自有宸斷乃輒爲杞憂或許其中興奏

潛一齋遺藁

三

疏第一大都王子之忠忠而愚亦克有濟王子之文文而質亦自能兼其天資高故識見常度越人其賦性敏故語多不經人道鑿如侃如淵如湛如本而原之不踐不入之善人也擬而議之有志有節之士人也惜也用未盡才年不逮學金方在治玉甫離璞有質有香誰追誰琢雖然此集不足以概王子而一鬲牛豹則亦足以觀己晉陵年弟龔道立頓首拜跋

重印潛一齋遺稿序

潛一齋遺稿煦族祖介石公撰公直節羅史冊而文章亦足不朽然稿久逸父老無知有傳本者煦弟照好搜求古書得之世好周姓斷編矣公之裔孫偕又得陸好彭姓藏本二本紙異非同時印者參合遂成完帙中惟二首尚殘闕不可考矣公歸十年歿歿而家無儋石儲巡按御史宜興吳公公之知己也聞之檄邑令急取遺稿付梓令以屬公之年友鄒瀘水先生次之稿所以至今傳也照嘗語同族及今不復刻

潛一齋遺稿序

行就湮矣而貳於費亦鮮暇煦邇年不棄於人承乏西昌千秋書院主講院故有剞劂氏爲以活字排印課藝者煦竊計排印費較省商之公之裔孫偕偲又致書稍有力者惟公文深博而煦淺陋弗窺涯涘而原刻又成於匆遽不無脫誤煦在復尋繹得確知其誤者正之凡數十處其疑不釋者謹依原刻以俟將來且本邑復古書院山長亦以次及煦煦固辭之邑人弗之許好爲人師內慚無地矣而朝夕校藝幾無暇晷排印期促弗克詳究於稿歉孰甚焉煦按公長

子立德公天啟間副貢授國子典簿出爲遠安令以世亂歸宜有訂正善本藏於家然明季流寇故家罹禍尤烈我族恭天公選寶公皆仗節死於家祀鄉賢祠蓋蹂躪不堪言狀屢印本及板且無一存者何有於家藏善本也今越數百年而舊本出其公之靈爽式憑乎稿爲刪存之作然修身之學立朝之節與夫家居之有造於國里者可得其概矣嗟乎煦先侍讀公直聲震於朝會海上軍興薦才赴援臺灣爲王和者所忌解組歸以視公何後先一轍耶然公沒後贈

潛一齋遺稿序

階諭祭抑何幸也煦往歲偕弟照校刊先侍讀公貞石山房奏議及詩倘亦與公遺稿並傳乎稿已三百年矣重印復可數百年有望劍氣而識者傳益遠矣印既成爲志緣起如此

光緒己亥秋月族裔孫仁煦頓首謹序於西昌千秋書院之敬業樂羣之堂

潛一齋遺稿目錄

卷之一

請廣言路復錄用直臣疏
劾監軍報功驕恣誇伐疏
諫止章疏留中並劾中貴張誠疏
諫止三王封請冊立皇長子疏

卷之二

復鄭世子辭爵書
復座師王閣老論竝封書

潛一齋遺稿目錄

目錄

一

再復王閣師書
答郡侯汪靜峰辟書院山長書
答李見羅先生書
答李及泉巡撫書
答楊棋園明府論條鞭書
與張雲臺太守論條鞭書
與張雲臺太守論旱災書
與楊棋園明府論補和書
再復楊明府書

復鄭三水年兄書

與唐三府談養親書

答潘明府書

再與潘明府論兌解書

卷之三

紀趙弘宇太守懷政畧

贈劉嗣溪二守考績序

贈河內令黃守玄擢祠部序

贈同年劉行素擢虞部郎序

潛一齋遺稿目錄

目錄

二

贈楊棋園明府入召序
贈夏璞翁明府入覲序
賀林敬齋郡侯考績序
問俗還朝卷贈直指吳先生
賀劉燕峰先生榮封序
同年劉任之大史江上別譚
槎水飛虹引
刻法華經引
優則草序

劉太史東行草序

周兩生制義評

忠孝篇贈盧封君吳孺人齊壽序

壽王方塘七十有一序

壽祁頴泉先生八十序

壽封翁劉東皋先生八十序

壽方年伯母孺人七十序

卷之四

別駕玄圃吳先生傳

潛一齋遺稿

目錄

三

少宰周穀似先生列傳補

重建白鷺洲雲章閣記

屯部分司易州項公去思碑記

楊侯遺帶去思碑記

祭沁河神文

祭濟瀆神文

祭同年李瑞臺文

祭周穀似公文

祭朱訥齋光祿文

祭劉兌陽司成文

柱史劉公小傳

條鞭便民答問

王屯社錄

小宗祭費引

懷仁會約序

給舍議該管見

潛一齋遺稿

目錄

四

潛一齋遺稿卷之一

安成介石王如堅 著

裔孫仁偕等重刊

明宜興安節吳達可編刻

安成溫水郝德泳同校

族裔孫仁煦重校

疏

請廣言路復錄用直臣疏

謹奏爲齊威同日廓度恢誠以全聖德以光至治事
臣聞國家之有言路猶人身之有血脈榮衛血脈榮
衛一日而不周流於身則身之元氣索直言讜論一

潛一齋遺稿卷之一

日而不上聞於國則國之元氣索故自古丕隆之國
未有不賞諫臣而自古神聖之后未有不容受盡言
者臣伏處藁藿之下闕觀聖世之上竊見陛下求言
納諫之美無殊古先哲王而國家元氣周流寧有阻
隔壅滯之患哉曩者故相秉政專復自用陛下以其
有保傅之功寵留太厚一時言者咎撻堦庭放歸田
里斥遣遐方補戎戎伍無非以明委心輔相之實而
未大發其妨賢竊威之私此故相誤陛下而陛下未
嘗負羣臣也權姦既屏皇路益清聖德益明赫然與

天下更始昔之受杖撻者今起而旌之秩祿矣昔之
放田里者今起而列之近侍矣昔之斥遐遠者今起
而布之庶位矣昔之隸戎籍者今起而登之仕籍矣
一時喁喁向風懽呼載道此陛下用舊臣厲言責而
實所以作士氣也頃者旱魃爲災星變示異屢下明
旨博求直言大小臣工無不濯被其心專一其慮爭
效一得之愚以副聖明之求此陛下側席虛懷之真
已盡彰於天下而朝廷不借賞從諫如流之效亦既
獲於天下矣已而彭遵古等不顧愚賤欲爲朝廷辨

潛一齋遺稿卷之一

別賢奸陛下以公論本明言涉疣癢禿其冠而歸之
籍非疾三臣之敢言疾其言之不慎所發所以抑其
英志而養天下之士氣非特三臣媿服天下且諒陛
下之心矣至本月初五接邸報見主事盧洪春疏欲
陛下慎重起居誤聽風聞輒發狂言觸冒天威致蒙
杖責黜爲編氓朝士聞之遽以爲陛下求言之心不
及於當時納諫之美倘虧於曩日藉藉偶語以言爲
戒臣伏計之竊謂不然陛下之心皜皜日月之心也
陛下之怒雷霆時發之怒也有從善日新之美無遷

怒貳過之慮君之於臣猶父之於子子有過則爲父者呵罵之鞭撻之非不赫然震怒然及其子之過既改子之天性未忍離也父之怒既息父之天性未忍變也陛下之怒洪春如父之怒子耳終不以一時之鞭撻遺呵使臣子卒爲聖世之棄民又終不以洪春一人之罪遂移怒於在朝敢言之臣子此陛下之至仁非常時之所能識而臣之所獨諒也雖然臣聞之王德如風下應如草上之詔旨易見淵微難測下之承風旨甚易淵微甚難況常人之情諂諛顧望

者常多慷慨勁直者常寡導之使言猶恐規避隱默苟容自全而况一聞杖責一被斥遣有不震恐縮慄垢面同行爲容容後禍之計而敢犯主上之忌諱哉脫有一人焉不畏杖責不避斥遣欲一舒直氣於朝廷彼依阿澁澁之習既成必且指爲狂子目爲妄人同類之士齟舌而不敢談且相引而避之矣如此成風士習謂何如此壅隔國脈謂何臣竊以爲其漸不可長也其端在陛下一念之轉移陛下樂善好諫之衷已昭白於天下而一時喜怒不留之心尤宜顯示

於臣工有如盧洪春引咎自責閉門思過之後開霽天旋復其舊典與三進士一并錄用以昭上聖納汙舍垢之仁而剛是復有言者或用意忠厚則慰勞獎勉使其盡言或辭涉切直則懼怖聽納勿令摧阻書曰木從繩則直后從諫則聖未有聖而不從諫亦未有從諫而不聖者以陛下之明豈不燭此且天下元氣如人一身陛下之身祖宗所託之身也聖母所倚之身也亦天下所合戴生成之身也以祖宗聖母之身爲身則一身之元氣欲舒而不欲滯以天下合戴

生成之身爲身則天下之元氣欲暢而不欲壅臣願陛下推一念保身謹疾之心爲天下保合太和之氣毋以一人之言而激怒毋以一時之怒而加譴使賢智畢慮忠直輻輳當地天交泰之會陛下憑几而受之四方無虞之慶可坐而享社稷太平之福垂之萬世無極已

劾監軍報功驕恣誇伐疏

謹題爲臺臣驕恣誇伐無狀懇乞聖明并議公罪以誅其心以正國計事傳曰人臣無將又曰人臣見無

禮於君者逐之如鷹鷂之逐鳥雀也臣見監軍御史梅國禎可謂將而無禍者矣夫自西賊叛逆邊境無備臣禎薦李如松以討逆臣未嘗不喜其聲之振及願以身從軍而得監軍之命臣未嘗不嘉其志之壯既而圍城灌水賊計窮蹙內潰而乘之卒以殲斃臣未嘗不仰國家之威靈而幸其功之成也既而反覆讀國禎之章疏察國禎之動靜則國禎之心腹腎腸無一不通於李如松而如松之鷹犬爪牙國禎實甘心爲之而不顧士行者也無論魏學會之罪由國禎

潛一齋遺稿卷一

五

而機陷李如松之功由國禎而續致也臣伏觀明旨這功次著劉芳譽作述覈實具奏再觀十九年二月內明旨近來題奏工完奏捷等項開列內閣部科委屬虛文以後俱不許再叙皇皇聖諭著於中外誰敢將以私意而蹈無禮之戒國禎在靈憂時既有報捷之疏有敘功之疏亦可謂恢張至矣乃今高張功伐薦叙多人此何爲者也敘及督府敘及部司敘及將領亦可謂網羅至矣乃今併及閣部科臣此又何爲者也讀其疏中引吳元濟以比劉哮諸賊引李聰以

比當事諸臣且云功名之奇從古未有引二祖驅胡造夏之功引世祖拒虜殲倭之功且云前古所無於今史盛此何等誇艷何等欺誕藐視前古狎侮當朝不惟裴李諸臣之庸功爲不足奏卽我二祖世祖之神武亦將凌駕而迭出之矣是果蚩尤涿鹿之後止此一戰功耶格苗伐鬼之後止此一勳闕耶夫人臣受命出疆無以有已賊平之日口不言功況此麼魔小寇竊據鎮城井中之蛙釜中之魚未有鳥張動搖如元濟之盛亦未有流播奔騰如昔之所謂劉六劉

潛一齋遺稿卷一

六

七者也第因緣虜勢邀絕糧道千里救援我兵爲梗然而各堡之復魏學會業已爲之灌城之策魏學會業已計之城灌則虜勢隔虜勢隔則兵力專城灌則人心危人心危則內變作未幾而南關復未幾而賊首獻未幾而圍城開豈國禎如松之力真能制其死命哉國家數百年休養之赤子無奈而切於威削之下彼其心何嘗不思啗其肉而吮其血哉伺之數月乘之一旦斬其僞將戮其元凶解彼攜貳還我效順士卒無戰城門無閉此蕭得之於民心而非得之於